



# REKSTRARLEYFI

Með vísan til III. kafla laga nr. 71/2008 um fiskeldi veitir Matvælastofnun hér með rekstrarleyfi til neðangreinds.

Leyfishafi: Arnarlax ehf.  
Starfsstöð: Ísafjarðardjúp  
Kennitala: 580310-0600  
Aðsetur: Strandgötu 1  
465 Bíldudalur  
Rekstrarleyfisnúmer: FE-1178  
Leyfið gildir til: 13.06.2040

Starfsemi:

AE 1 - Lax / *Salmo salar*

Í gildi frá:

13.06.2024

Kynslóðaskipt sjókvíaelði í Ísafjarðardjúpi. Hámarkslífmassi 10.000 tonn ófrjór lax. Ófrjór laxastofn: StofnFiskur.

## Svæði

## Punktur

### Óshlíð

1. 66°09.505'N 23°09.573'W, 2. 66°09.920'N 23°08.627'W, 3. 66°08.400'N 23°04.874'W, 4. 66°08.020'N 23°07.010'W,

### Drangsvík

1. 66°09.986'N 22°59.208'W, 2. 66°10.324'N 22°58.565'W, 3. 66°09.202'N 22°55.088'W, 4. 66°08.835'N 22°55.804'W,

### Eyjahlíð

1. 66°06.378'N 22°48.114'W, 2. 66°06.835'N 22°47.314'W, 3. 66°06.106'N 22°45.112'W, 4. 66°05.750'N 22°45.918'W,

Rekstrarleyfið er gefið út miðað við fyrirliggjandi mat Hafrannsóknastofnunar á burðarþoli og áhættumati vegna erfðablöndunar. Heimilt er að endurskoða forsendur leyfisins ef breytingar verða á burðarþolsmati og/eda áhættumati Hafrannsóknastofnunar.

Rekstrarleyfishafa ber að tryggja að fjarlægð í fisk ótengdra rekstrarleyfishafa í Ísafjarðardjúpi sé eigi styttri en 5 km í samræmi við gildandi lög og reglugerðir. Rekstrarleyfishafa ber að sækja um heimild til Matvælastofnunar til útsetningar seiða. Þá er rekstrarleyfishafa óheimilt að setja út fisk á eldissvæðin Óshlíð, Drangsvík og Eyjahlíð nema að fyrir liggi undirritaður samstarfssamningur milli rekstrarleyfishafa og annars vegar Hábrúnar ehf. og hins vegar Arctic Sea Farm ehf. sem tryggir samræmdar forvarnir og viðbrögð við sníkjudýrum og sjúkdómum.

Jaðar sjókvíaeldisstöðvanna Drangsvíkur og Eyjahlíðar skulu ekki vera nær mörkum hvíts ljósgeira vitaljósa en 50 m. En jaðar sjókvíaeldisstöðvarinnar Óshlíðar skal ekki vera nær mörkum hvíts ljósgeira vitaljósa en 200 m.

Eldi ófrjórna laxa (geldstofn) er bundið því skilyrði að aðferðir, sem notaðar eru til að hindra að eldisfiskur framleiði frjóar kynfrumur, uppfylli ákvæði laga nr. 55/2013 og reglugerðar nr. 300/2018 um velferð lagardýra, varnir gegn sjúkdómum og heilbrigðiseftirlit með eldisstöðvum.

Varúðarráðstafanir til að koma í veg fyrir að fiskur sleppi vegna eldis eða flutnings á fiski skulu vera skráðar og aðgengilegar hjá eldisaðila, og áætlun um aðgerðir til að endurheimta fisk sem sleppur. Leyfishafi skal sjá til þess að viðbragðsáætlun vegna slysasleppinga sé staðsett á eldissvæðinu og kynna starfsmönnum hana. Rekstrarleyfishafi sem hefur ástæðu til að ætla að hann hafi misst eldisfisk úr fiskeldisstöð, skal án tafar tilkynna slíkan atburð til Fiskistofu, Matvælastofnunar, sveitarfélaga og næstu veiðifélaga.

Rekstrarleyfishafi skal skila reglulega og eftir beiðni inn þeim gögnum sem óskað er eftir til Hafrannsóknarstofnunar til að stofnunin geti bætt nákvæmni áhættumats erfðablöndunar.

Rekstrarleyfishafi skal viðhafa fyrirkomulag vöktunar vegna laxalúsar í samræmi við leiðbeiningar sem Matvælastofnun gefur út. Rekstrarleyfishafi skal hafa tilgreinda viðbragðsáætlun og mótvægisáðgerðir í samræmi við niðurstöðu um smítalag frá eldisfiski hverju sinni og áhættu fyrir villta fiskistofna, s.s. notkun hlífðardúks, sérstaks fóðurs og neyðarslátrun ef ekki tekst að halda lúsasmiti undir viðmiðunarmörkum.

Matvælastofnun mun upplýsa á mælaborði fiskeldis niðurstöður vöktunar auk annarra upplýsinga sem kveðið er á í lögum og reglugerðum.

Leyfið er bundið við ofanskráða kennitölu, starfsemi og eldissvæði. Leyfishafi skal uppfylla allar þær kröfur sem gerðar eru til starfseminnar í lögum og reglugerðum. Óheimilt er að hefja aðra starfsemi en leyfið nær til, nema að fengnu samþykki Matvælastofnunar.

Gildistaka rekstrarleyfis er háð úttekt Matvælastofnunar. Gildistaka rekstrarleyfis þessa er háð því að leyfi til mannvirkjagerðar sé til staðar. Gildistaka rekstrarleyfis sjókvíaeldis er háð því skilyrði að rekstrarleyfishafi skili inn stöðvarskírteini útgefnu af faggiltri skoðunarstofu fyrir hverja einstaka starfsstöð áður en rekstur hefst.

Leyfi þetta er gefið út skv. reglugerð nr. 462/2021 (sem innleiðir reglugerð ESB nr. 2016/429) um smitandi dýrasjúkdóma, með síðari breytingum og ber rekstrarleyfishafa uppfylla ákvæði reglugerðarinnar.

Rekstrarleyfið er háð skilyrðum laga nr. 71/2008 um fiskeldi og reglugerða og annarra stjórnvaldsreglna, sem kunna að verða settar á grundvelli laganna, sem og þeim breytingum sem kunna að vera gerðar á lögum og reglugerðum.

Vigdís Sigurðardóttir

Vigdís Sigurðardóttir, fagsviðsstjóri fiskeldis

